

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), a u vezi sa članom 41. stav 6. Zakona o izvršavanju Budžeta Zeničko-dobojskog kantona za 2012. godinu («Službene novine Zeničko-dobojskog kantona», broj 5/12), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na nastavku 95. sjednice, održanom dana 31.12.2012. godine, donosi

ZAKLJUČAK

o usvajanju Izmjena Programa utroška namjenskih sredstava iz oblasti šumarstva u razdjelu 23, budžetska organizacija 03, potrošačka jedinica 0001, Budžeta Zeničko-dobojskog kantona za 2012. godinu

I.

Usvaja se Izmjena Programa utroška namjenskih sredstava iz oblasti šumarstva za 2012. godinu u razdjelu 23, budžetska organizacija 03, potrošačka jedinica 0001 Budžeta Zeničko-dobojskog kantona za 2012. godinu, pod nazivom „Program utroška namjenskih sredstava iz oblasti šumarstva za 2012.godinu,“ koji čini sastavni dio ovog zaključka.

II.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu – Kantonalna uprava za šumarstvo i Ministarstvo finansija, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/12.
Datum, 31.12.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za poljoprivredu, šumarstvo i vodoprivredu,
1x a/a.

IZMJENA PROGRAMA

utroška namjenskih sredstava iz oblasti šumarstva za 2012.godinu

UVOD

Program utroška namjenskih sredstava iz oblasti šumarstva za 2012.godinu je, zbog nedostatka zakonskih propisa iz oblasti šumarstva u 2012.godini, sačinjen na osnovu kriterija na osnovu kojih je rađen i Program utroška namjenskih sredstava iz oblasti šumarstva za 2011.godinu.

SVRHA PROGRAMA

Svrha izrade Programa utroška namjenskih sredstava iz oblasti šumarstva je da prikaže po osnovu kojih namjenskih sredstava su planirani prihodi u Budžetu Zeničko-dobojskog kantona za 2012.godinu, za koje namjene i u kojem iznosu će isti biti utrošeni, a izrada Programa je predviđena članom 41. stav 6. i članom 49. Zakona o izvršavanju Budžeta Zeničko-dobojskog kantona za 2012.godinu («Službene novine Zeničko-dobojskog kantona» broj 5/12).

VISINA SREDSTAVA I IZVORI FINANSIRANJA

Namjenski prihodi iz oblasti šumarstva, planirani su u Budžetu Zeničko-dobojskog kantona za 2012.godinu u iznosu od **1.368.900,00 KM**, a čine ih sredstva planirana po osnovu slijedećih naknada :

1. Naknade za općekorisne funkcije šuma	1.235.900,00 KM
2. Naknade za obavljanje stručnih poslova u privatnim šumama	41.000,00 KM
3. Naknade u postupku promjene namjene šumskog zemljišta (krčenje šuma)	<u>92.000,00 KM</u>
	1.368.900,00 KM

KRITERIJI ZA UTROŠAK SREDSTAVA I NAČIN UTROŠKA

1. Naknade za općekorisne funkcije šuma

Naknade za općekorisne funkcija šuma, plaćaju sva pravna lica koja su registrovana za obavljanje djelatnosti na teritoriji Federacije kao i dijelovi pravnih lica čije sjedište je van Federacije, a obavljaju djelatnost na teritoriji Federacije, osim korisnika državnih šuma, javnih institucija, humanitarnih organizacija, udruženja i fondacija koje ne ostvaruju dobit. Naknada iznosi 0,07% ostvarenog prihoda, a uplaćuje se tromjesečno i po završnom godišnjem računovodstvenom izvještaju u omjeru od 20% u Budžet Federacije i 80% u kantonalni budžet.

Za 2012. godinu, u Budžetu Zeničko-dobojskog kantona, prihodi po osnovu naknada za općekorisne funkcija šuma planirani su u visini od 1.235.900,00 KM, a predviđeni su za sljedeće namjene:

1.1. Sufinansiranje rada čuvarske službe-tekući rashodi.....	1.130.900,00 KM
1.2. Deminiranje šuma - tekući rashodi	100.000,00 KM
1.3. Nabavka opreme za čuvarsku službu.....	5.000,00 KM

1.1. Sufinansiranje rada čuvarske službe

Sredstva navedena pod tačkom 1.1. planirana u iznosu od 1.130.900,00 KM, namijenjena su za sljedeće izdatke:

- Bruto plaće zaposlenih	805.300,00 KM
- Naknade troškova zaposlenih.....	200.000,00 KM
- Doprinosi poslodavca.....	84.600,00 KM
- Izdaci za materijal i usluge	41.000,00 KM

Kako se vidi iz datog pregleda, sredstva za rad čuvarske službe, planirana po osnovu naknada za općekorisne funkcije šuma, namijenjena su za sufinansiranje izdataka za plaće i naknade zaposlenih čuvara šuma u iznosu od 1.089.900,00 KM i izdataka za materijal i usluge u iznosu od 41.000,00 KM.

Sredstva za izdatke za materijal i usluge predviđena su za sufinansiranje troškova električne energije i grijanja odjeljenja Kantonalne uprave za šumarstvo u iznosu od 5.000,00 KM, troškova poštanskih i telefonskih usluga i drugih komunalnih usluga odjeljenja u iznosu od 9.000,00 KM, nabavku administrativnog materijala 6.000,00 KM i za nabavku dijelova šumarskih uniformi, 15.000,00 KM. Pored navedenih, planirani su i izdaci za medicinske usluge u slučaju povrede zaposlenika, u visini od 1.000,00 KM, naknade za zaštitu od prirodnih i drugih nesreća u visini od 3.000,00 KM i 2.000,00 KM za ostale usluge kao što je praktična obuka rukovanja čuvara šuma navigacionim GPS uređajima i sl.

Realizacija Programa pod tačkom 1.1. u dijelu koji se odnosi na finansiranje bruto plaća i naknada vršit će se kontinuirano, prema važećim propisima koji regulišu plaće i naknade, a u

dijelu planiranih nabavki i izdataka za izvršene usluge, na osnovu procedura propisanih Zakonom o javnim nabavkama i računa ispostavljenih za izvršene usluge.

1.2. Deminiranje šuma

Na području Zeničko-dobojskog kantona, na osnovu podataka JP ŠPD ZDK d.o.o. Zavidovići, ukupna površina koju zauzimaju šume i šumsko zemljište u državnom i privatnom vlasništvu iznosi 219.183 ha, od čega se na minirane površine odnosi oko 27.397 ha ili 12,5 % površine.

Kao doprinos aktivnostima na deminiranju šuma i šumskog zemljišta, planirano je da se iz prihoda ostvarenih po osnovu naknada za općekorisne funkcije šuma, u 2012. godini izdoje sredstva u visini od 100.000,00 KM.

1.3. Nabavka opreme

Sredstava pod tačkom 1.3. planirana u visini od 5.000,00 KM, predviđena su za nabavku čuvarske opreme, koju je zbog otpisanosti potrebno zamijeniti.

Realizacija Programa pod tačkom 1.3. vršit će se prema procedurama propisanim u Zakonu o javnim nabavkama.

Kriterij za utrošak sredstava ostvarenih po osnovu naknada za općekorisne funkcije šuma utvrđen je na način kako je definisano prošlogodišnjim Programom utroška sredstava iz oblasti šumarstva za ove namjene.

2. Naknade za obavljanje stručnih poslova u privatnim šumama

Naknade za obavljanje stručnih poslova u privatnim šumama, na kantonalni račun uplaćuju vlasnici privatnih šuma koji ugovorom prenose obavljanje stručnih poslova u nadležnost Kantonalnoj upravi za šumarstvo.

Prihodi po osnovu naknada za obavljanje stručnih poslova u privatnim šumama, za 2012. godinu planirani su u iznosu od 41.000,00 KM, a predviđeni su za :

- 2.1. Sredstva planirana za nabavke neophodne za obavljanje stručnih poslova u privatnim šumama 31.000,00 KM
- 2.2. Rekonstrukcija i investiciono održavanje 10.000,00 KM

2.1. U 2012. godini planirano je da se dio prihoda ostvarenih po osnovu naknada za obavljanje stručnih poslova u privatnim šumama, u visini od 31.000,00 KM usmjeri za

nabavke i druge potrebe neophodne za obavljanje stručnih poslova u privatnim šumama, kao što su: nabavka potrošnog materijala potrebnog za gospodarenje u privatnim šumama tj. nabavka pločica za obilježavanje drvnih sortimenata, otpremnih iskaza, knjiga panjeva, knjiga doznake, zatim za nabavku goriva i za tekuće održavanje, tj. za troškove održavanja terenskih motornih vozila datih na korištenje odjeljenjima Kantonalne uprave za šumarstvo, kako slijedi:

- nabavka potrošnog materijala za gospodarenje
u privatnim šumama 8.000,00 KM
- nabavka goriva 18.000,00 KM
- izdaci za tekuće održavanje 5.000,00 KM

2.2. Sredstva za rekonstrukciju i investiciono održavanje, planirana iz naknada za obavljanje stručnih poslova u privatnim šumama u visini od 10.000,00 KM, predviđena su za unapređenje privatnih šuma tj. za sufinansiranje pošumljavanja šumskog zemljišta u privatnom vlasništvu, zaštitu od požara i slično.

Kriterij za utrošak sredstava ostvarenih po osnovu naknada za obavljanje stručnih poslova u privatnim šumama utvrđen je na način kako je definisano prošlogodišnjim Programom utroška sredstava iz oblasti šumarstva za ove namjene.

3. Naknade u postupku promjene namjene šumskog zemljišta (krčenje šuma)

Naknade ostvarene u postupku promjene namjene šumskog zemljišta (krčenje šuma) mogu se koristiti samo u svrhu podizanja novih šuma i za kupovinu šuma. Naknadu po gore navedenom osnovu uplaćuje podnosilac zahtjeva za krčenje šuma i to u omjeru 40% na račun Budžeta Federacije i 60% na kantonalni račun.

Za 2012 godinu, po osnovu naknada u postupku promjene namjene šumskog zemljišta (krčenja šuma), planirani su prihodi u visini od 92.000,00 KM, namijenjeni za:

1. Obaveze po osnovu poreza na promet nekretnina
prenesene iz 2011.godine 5.500,00 KM
2. Kupovina šume i šumskog zemljišta 86.500,00 KM

Sredstva navedena pod tačkom 1. u visini od 5.500,00 KM planirana su za uplatu poreza na promet nekretnina tj. kupovine šume i šumskog zemljišta izvršene u 2011.godini. Na osnovu kupoprodajnih ugovora zaključenih krajem 2011.godine, koji se odnose na kupovinu šume i šumskog zemljišta, uplata poreza na promet nekretnina je obaveza kupca tj. Ministarstva za poljoprivredu, šumarstvo i vodoprivredu Zeničko-dobojskog kantona. Međutim, zbog procedure vezane za donošenje rješenja za uplatu poreza na promet nekretnina, navedena obaveza nije mogla biti izmirena u 2011.godini i ista je prenesena u 2012.godinu.

Sredstva pod tačkom 2. navedena u iznosu od 86.500,00 KM, namijenjena su za kupovinu šuma i šumskog zemljišta u toku 2012.godine. Kupovina šuma i šumskog zemljišta izvršit će se na osnovu objave javnog poziva za dostavu ponuda i komisijiskog odabira najpovoljnijih ponuda.

Kriterij za utrošak sredstava ostvarenih po osnovu naknada u postupku promjene namjene šumskog zemljišta (krčenje šuma) utvrđen je na način kako je definisano prošlogodišnjim Programom utroška sredstava iz oblasti šumarstva za ove namjene.

Utrošak namjenskih sredstava iskazanih u Programu odobrvat će se posebnim zaključcima Vlade Zeničko-dobojskog kantona, koje će predložiti Ministarstvo za poljoprivredu, šumarstvo i vodoprivredu- Kantonalna uprava za šumarstvo, izuzev sredstava predviđenih za tekuće rashode čuvarske službe.

Ukoliko se, iz određenih razloga, namjenska sredstva predviđena Programom za 2012.godinu ne utroše u cjelosti, preostala sredstva će biti prenesena u narednu godinu.

REKAPITULACIJA - utrošak namjenskih sredstava planiran za 2012.godinu

Rb	Izdaci	Naknade za opéekor. funkcije šuma	Naknade za obav. stručnih poslova u privatnim šumama	Naknade od promjene namjene šumskog zemljišta (krčenja šuma)	Ukupno planirana namjenska sredstva kol. (3+4+5)
1	2	3	4	5	6
1.	Bruto plaće	805.300			805.300
2.	Naknade troškova zaposlenim	200.000			200.000
	Tr. prevoza	100.000			100.000
	Topli obrok	100.000			100.000
3.	Doprinos poslod.	84.600			84.600
4.	Izdaci za mater. i usluge	141.000	31.000		172.000
	energenti	5.000			5.000
	komunalne usluge	9.000			9.000
	nabavka materijala	21.000	8.000		29.000
	izdaci za gorivo	-	18.000		18.000
	tekuće održavanje	-	5.000		5.000
	ugovorene usluge	106.000			106.000
6.	Nabavka šuma	-		92.000	92.000
7.	Nabavka opreme	5.000			5.000
8.	Rekonstrukcija i invest..održavanje	-	10.000	-	10.000
	UKUPNO (od 1 do 8)	1.235.900	41.000	92.000	1.368.900

Broj: 02-_____ /12.

Datum, 31.12.2012. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x a/a.